

**Zeitschrift:** Schwyzerlüt : Zyschrif für üsi schwyzerische Mundarte  
**Band:** 5 (1942-1943)  
**Heft:** 1-3

**Artikel:** Im Schuelhus am Raubach : vom Walter Rotach  
**Autor:** Rotach, Walter  
**DOI:** <https://doi.org/10.5169/seals-179607>

#### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

#### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 07.08.2025

**ETH-Bibliothek Zürich, E-Periodica, <https://www.e-periodica.ch>**

gi boldere-n-ond gspööschte. Zor Wienecht ha-n-i aade e Schößle volle Noß ond tüer Bere-n-überchoo ond schöni, großi rothi Opfel ond tüeri Chriesi ond Zwetsche. Au Leckerli ond Biberli mit goldige Viereggli droff ond emool ha-n-i au en Biberzeelte-huett überchoo, graad en aßlege, wie de Napoleo der Eerscht amml treit häd, wenn-r de Bööse gkaa häd. Gad ischt minn e betzeli chinner gsee ond schönner ond a beide Spitze ond offem Gopf i-de Mitti vegoldet. Vor-m'r 's Chrischtchindli amml d'Sache bbroocht häd, sönd d'Muetter ond i vor d'Stobetöör kneuet ond händ mitenand gsunge: „Stille Nacht, heilige Nacht“, das sie mi scho as e fööfjöhris Büebli häd glehrt singe. Denn ha-n-i müese-n-i-n-e-n-anderi Chammer ond, wenn i mini Sach gkaa ha, ha-n-i-'em Chrischtchindli zum Abschied no müese singe: „Mit dem Pfeil und Bogen, durch Gebirg und Tal, kommt der Schütz gezogen früh im Morgenstrahl.“

Us: Schwizer-Dütsch, Heft 73 bis 77, Orell Füssli Verlag, Züri.

### Im Schuelhus am Raubach.

Vom Walter Rotach.

Het scho näbert föf zfredneri Gsichter binenand gseh as die i de Stobe vom Schuelhäusli am Raubach? De Lehrer ond sini Frau ond sini drü Chend sönd grad mit em Mittagesse fertig gse ond hend zletscht d'Täller ond d'Blatte mit lindem Brod ase suber zemepotzt, daß me's gad wieder hett chöne of em Chochigstell versorge. 's ischt aber au näbes Guets, e so e dicki Gerschtesoppe mit brune Böhli dren, denn Rendswörscht ond 'brötlet Herdepfel ond Epfelmues, so e brurots, wies gad im Wenter im Oferohr ine get. Oppen-e chli Finger langs Zipfeli vonere Worscht het d'Muetter no grettet, daß de Vatter näbes z'Nacht hei'. Vom längere Täl hend d'Hanne ond der Albert d'Helfti übercho. 's Chindli i de Wiege het sis Mammeli Milch au scho fascht usgsörpflet gha. 's het efange öppe e chlini Pause gmacht mit em Suge ond ganz ogschiniert 'görpslet ond dezue glächlet, ond niemert hets drom bös aglueget ond gsät: „Bis au aaständig!“ Wo denn de Vatter zom e chorze Mittagschlöfli gege 's Kanebett anelauft, nent en der Albert bi de Hand.

„Vatter“, fröget er, „tüend d'Schüler hüt Nomittag au wieder singe?“

„Jawohl“, sät de Vatter, „los no recht! Ganz e nüs Lied fanget mer a, wo der gwöß gfällt“.

Er het gern öpperemol de Muetter z'merke 'ge, wie guet daß er of ales i de Schuel gröscht sei; drom het er no witer verzellt:

„Zerscht weret d'Strophe besproche, denn chont d'Melodie a d'Räije ond zwor zerscht mit de Note, denn of la la ond zletscht

mit de Worte. Aber 's Schwärscht ond 's Wichtigescht ischt denn no, Herz ond Gmüet i d'Sach ine z'bringe. Me ghört vielmol i Schuele ond Vereine gad eso loschtig drof lossinge, ganz eeding, öbs e Zäuerli oder 's Landsgmendlid sei. Vo Gsangskuuscht cha binere so e Naturjohlete defrili ke Red se. I hoffen aber, 's chömm jetz denn glich no e bessers Verständnis i's Volk ine. I mim Referat über „Praktische Winke zur Erteilung des Gesangsunterrichts“ hani de Lehrer i sibe Pünkte klar ond düttlech zäget, wie sü's müeset agattige, ond wenn vo jetz a ali a die sibe Punkt denket ond si dra haltet, so wär's mer seltse, wemme nüd bald im ganze Land ine d'Wörkig gspüere wör.“

Die Red gsieht e chli brällelig us; aber d'Frau het en verstande. Es tuet ebe jedem Mensch wohl, sis Liecht au emol e chli of de Scheffel z'stele, wies i de Bible häfft. Menge suecht de Scheffel am Wertstisch, en andere i de Lesegsellschaft oder i de Zitig. I meene, wer si gern am Bifall vo der ägne Frau sönelet, dem tör me das Freudli wohl loo.

Us: Walter Rotach, „Vo Ärbet, G'sang ond Liebi“, Verlag Sauerländer & Co., Harau.

## Vor de Wiehnedt.

Vom Paul Tanner.

1. Szene: Wirtsstube im weißen Lamm zu Betlehem,

**Wirt:**

's het überall Frönti, 's het überall Gescht,  
as wär me z'Jerusalem amene Fescht.  
I wääß mi fascht nomme wiä wehre,  
me cha si fascht nomme meh chehre.  
I jedem Winkel im ganze Huus  
gheit me bald über ä Bettschätä-n-uus !

**Wirtin:**

Gott Lob ond Dank säg, ond bis froh!  
's goht wohrli nüd 's ganz Johr äso.  
's get z'werchä jo, doch nöd vergebä!  
's get Hüffe Geld, Betrieb ond Lebä! —  
Du brommlescht all wvens Aerbet get,  
Am liäbschte hockischt du im Bett!  
Do z'Betlehem ischt jo söß niä nünt los,  
Schtill isches, as wär mer i Abrahams Schoß.  
Dä Kaiser Auguschtus, jo, das ischt en Ma  
wo üserän cha sini Freud dra ha.  
Dä brichtet jetz use-n-i ali Welt,  
daß jede dei here geng, daß mer ehn zellt,  
döt, woner het sis Börgerrecht.